

Հայաստանի Հանրապետության Արագածոտնի մարզի

խորհրդի նիստի

ք. Աշտարակ

24. 01. 2024թ. ժամը 15⁰⁰

Մասնակցում էին՝

| | |
|------------------|--|
| Ս. Մովսիսյան | ՀՀ Արագածոտնի մարզպետ |
| Հ. Գույան | ՀՀ Արագածոտնի մարզպետի տեղակալ |
| Մ. Հովհաննիսյան | ՀՀ Արագածոտնի մարզպետի տեղակալ |
| Հ. Գևորգյան | ՀՀ Արագածոտնի մարզպետի աշխատակազմի գլխավոր քարտուղար |
| Ա. Գրիգորյան | ՀՀ Արագածոտնի մարզպետի խորհրդական |
| Ռ. Թադևոսյան | ՀՀ Արագածոտնի մարզպետի խորհրդական |
| Վ. Հարությունյան | ՀՀ Արագածոտնի մարզպետի խորհրդական |
| Մ. Դափումյանը | ՀՀ Արագածոտնի մարզպետի օգնական |

Մարզի ուժային կառույցների ղեկավարներ,

Մարզպետի աշխատակազմի ստորաբաժանումների ղեկավարներ,

Մարզի համայնքների ղեկավարներ, տեղակալներ,

Մարզի բժշկական հաստատությունների տնօրեններ,

Լրավարման հիմնարկների ներկայացուցիչներ:

Մինչ ՀՀ Արագածոտնի մարզի խորհրդի նիստի օրակարգային հարցերի քննարկումը՝ մարզպետ Ս. Մովսիսյանը ներկայացրեց ՀՀ Արագածոտնի մարզպետի նորանշանակ խորհրդական Վահե Հարությունյանին, որը բռնի տեղահանվել է Լեռնային Ղարաբաղից և այսուհետ կհամակարգի ԼՂ-ից տեղահանված և ՀՀ Արագածոտնի մարզում գտնվող մեր հայրենակիցների խնդիրների լուծմանն ուղղված աշխատանքները:

Օրակարգում՝

1. Մարզի համայնքների սեփական եկամուտների հավաքագրման աշխատանքների վերաբերյալ:
2. Մարզի համայնքների բյուջեների կազմման գործընթացի վերաբերյալ:
3. Մարզի համայնքներում 2023թ. ամենամյա չօգտագործված արձակուրդների վերաբերյալ:
4. Համայնքային սեփականություն հանդիսացող գույքային միավորների նկատմամբ իրավունքների պետական գրանցման աշխատանքների վերաբերյալ:
5. Մարզում իրականացվող դպրոցաշինական ծրագրերի մասին:
6. ՀՀ Արագածոտնի մարզում էներգաարդյունավետությանը և էներգետիկ ազատականացմանն ուղղված «Արագածոտն-1» արևային այլընտրանքային ֆոտովոլտային կայանի հիմնման ծրագիր:
7. Համայնքների ենթակառուցվածքների զարգացմանն ուղղված 2022-2023թթ. սուբվենցիոն ծրագրերով իրականացվող աշխատանքների վերաբերյալ:

8. Մարզում 2024թ. իրականացվելիք սուբվենցիոն ծրագրերի վերաբերյալ:
9. Մարզի բնակավայրերի մուտքի և ելքի ցուցանակների վերաբերյալ:
10. Մարզում 2023թ. գյուղատնտեսական մթերքների արտադրության վերաբերյալ:
11. Այլ հարցեր:

Լսեցին՝

1. Մարզի համայնքների սեփական եկամուտների հավաքագրման աշխատանքների վերաբերյալ /զեկուցող՝ ֆինանսական վարչության պետ Ն. Գալստյան/: */Ցուցանիշները կցվում են/:*

Ն. Գալստյանը տեղեկացրեց, որ սեփական եկամուտների հավաքագրումը 2023 թվականին իրականացվել է 105,8%-ով: Բարձր ցուցանիշներ են ապահովել Աշտարակ /106,1%, Շամիրամ /300%, Ապարան /101,6%, Ալազյազ /107,2%, Մեծաձոր /120,5%, Արևուտ /100,7%, Թալին /110,8%/ համայնքները: Ամենացածր ցուցանիշը Ծաղկահովիտ /88,6%/ համայնքին է: Նշվեց, որ նախորդ տարվա համեմատ տարեկան հավաքագրումը այս տարի ավելացել է 5,2%-ով:

Մարզպետ Սերգեյ Մովսիսյանը շնորհակալություն հայտնեց համայնքների ղեկավարներին պատշաճ հավաքագրումը կազմակերպելու համար, առաջարկեց հավաքագրումը շարունակել նույն մեխանիզմով՝ ապահովելով հավաքագրման եռամսյակային պլանավորված ցուցանիշները, որպեսզի տարեվերջին ծանրաբեռնվածություն չլինի և ունենանք ցանկալի արդյունք:

2. Մարզի համայնքների բյուջեների կազմման գործընթացի վերաբերյալ //զեկուցող՝ ֆինանսական վարչության պետ Ն. Գալստյան/:

Ներկայացվեց համայնքների բյուջեի կազմման գործընթացի մասին տեղեկատվություն: Զեկուցվեց, որ 8 համայնքներից 7-ի բյուջետային փաթեթները ուղարկվել են ՀՀ կառավարություն, Ծաղկահովիտ համայնքինը ընթացքի մեջ է և սահմանված ժամկետում կուղարկվի: Նշվեց նաև, որ պետությունը ավելացրել է համայնքներին տրամադրվող գումարները: Դոտացիաների հաշվարկման, տրամադրման հիմքում նախորդ տարվա համախառն արդյունքն է: Ալազյազ համայնքի բյուջեն ավելացել է 62մլն դրամով, Աշտարակինը՝ 800մլն, Ապարանինը՝ 240մլն, Մեծաձորինը՝ 40մլն, Արևուտինը՝ 20մլն, Թալինինը՝ 500մլն, Ծաղկահովիտինը՝ 114մլն և Շամիրամինը՝ 7մլն դրամով:

3. Մարզի համայնքներում 2023թ. ամենամյա չօգտագործված արձակուրդների վերաբերյալ /զեկուցող՝ ՏԿ և ՏԻՀ վարչության պետ Հ. Ասատրյան/:

/Զեկույցը կցվում է/:

Հ. Ասատրյանը զեկուցեց, որ ՀՀ տարածքային կառավարման և ենթակառուցվածքների նախարարի հանձնարարականի համաձայն՝ 2023 թվականի փետրվար ամսից մեկնարկված մարզի համայնքապետարանների աշխատակազմերի և համայնքային ենթակայության կազմակերպությունների աշխատակիցների 2003-2022թթ. ժամանակահատվածում ամենամյա չօգտագործված արձակուրդների տրամադրման գործընթացը շարունակական է: 2023 թվականի դեկտեմբերի 30-ի դրությամբ ՀՀ Արագածոտնի մարզի համայնքներում ամենամյա չօգտագործված արձակուրդների ընդհանուր գումարը կազում է 12,172,612 մլն. ՀՀ դրամ:

Մարզպետ Ս. Մովսիսյանը առաջարկեց համայնքների ղեկավարներին՝ հետագայում տարեվերջյան ծանրաբեռնվածությունից խուսափելու համար, այսուհետ եռամսյակային կտրվածքով աշխատանքներն ամփոփել, և մարզի խորհրդի մյուս նիստի օրակարգում կրկին ընդգրկել հարցը:

4. Համայնքային սեփականություն հանդիսացող գույքային միավորների նկատմամբ իրավունքների պետական գրանցման աշխատանքների վերաբերյալ /զեկուցող՝ ՏԿ և ՏԻՀ վարչության պետ Հ. Ասատրյան/:
/Զեկույցը կցվում է/:

Զեկուցվեց, որ 2021թ.-ից ՀՀ վարչապետի հանձնարարականի համաձայն՝ մեկնարկած համայնքային սեփականություն հանդիսացող շենք-շինությունների նկատմամբ իրավունքի պետական գրանցման աշխատանքները շարունակվում են: 2021թ.-ին մարզի համայնքներում առկա գրանցում չունեցող 138 միավոր շենք-շինություններից մարզպետի աշխատակազմի աջակցությամբ և համայնքների կողմից ձեռնարկված միջոցառումների արդյունքում մինչ օրս 126 միավոր շենք-շինություններ արդեն իսկ գրանցվել են և ունեն սեփականության իրավունքի վկայականներ: 24.01.2024թ. դրությամբ մարզի համայնքներում մնացել է ընդամենը 12 միավոր գույք, որոնք դեռևս գրանցված չեն: Գույքերի պետական գրանցում իրականացնելու համար անհրաժեշտ է հողամասերի նպատակային նշանակության փոփոխություն իրականացնել, 6-ը արդեն իսկ ներկայացվել են միջգերատեսչական հանձնաժողով, մյուսների գրանցման աշխատանքներն ընթացքի մեջ են:

5. Մարզում իրականացվող դպրոցաշինական ծրագրերի մասին /զեկուցող՝ մարզպետի խորհրդական Ա. Գրիգորյան/:
/Զեկույցը կցվում է/:

Զեկուցվեց ՀՀ կառավարության 2021-2026 թթ. գործունեության միջոցառումների շրջանակում իրականացվող «300 դպրոց 500 մանկապարտեզ» ծրագրում ներառված Արագածոտնի մարզի 24 դպրոցների վերաբերյալ տեղեկատվություն, որոնք գտնվում են կառուցման կամ վերակառուցման, ինչպես նաև մրցութային գործընթացի փուլում: Նշվեց, որ անհետաձգելի համարվող կապիտալ բնույթի ծրագրի շրջանակում կառավարության կողմից մարզում իրականացվող 17 ծրագրերից 15-ը ավարտված են, 1-ն ավարտական փուլում է, 1-ն աշխատանքների ոչ պատշաճ կատարման հետևանքով լուծարման փուլում է և պետք է նոր մրցույթ հայտարարվի: 2023 թվականին մարզպետի որոշմամբ մարզի դպրոցների բյուջեներից խնայված 247 մլն դրամը վերաբաշխվել է 105 ծրագիր իրականացնելու համար: Ընդհանուր խնայված միջոցներից 65 մլն դրամն էլ հատկացվել է դպրոցներում փոքր և միջին ծրագրերի իրականացման համար:

Մարզպետի կողմից խիստ կարևորվեց դպրոցաշինության ուղղությամբ կատարվող աշխատանքները: Անդրադարձ եղավ Օհանավանի միջնակարգ դպրոցին տրամադրված գույքի խնդիրներին, թերությունների շտկման ուղղությամբ տարվող աշխատանքներին: **Հանձնարարվեց** մարզպետի խորհրդական Ա. Գրիգորյանին խնդրի հետ կապված պարզաբանում-տեղեկանք ուղարկել ՀՀ փոխվարչապետ Տիգրան Խաչատրյանին:

6. ՀՀ Արագածոտնի մարզում էներգաարդյունավետությանը և էներգետիկ ազատականացմանն ուղղված «Արագածոտն-1» արևային այլընտրանքային ֆոտովոլտային կայանի հիմնման ծրագիր /զեկուցող՝ մարզպետի խորհրդական Ա. Գրիգորյան/:
/Զեկույցը կցվում է/:

Զեկուցվեց Արագածոտնի մարզում էներգաարդյունավետությանը և էներգետիկ ազատականացմանն ուղղված «Արագածոտն-1» արևային այլընտրանքային ֆոտովոլտային կայանի հիմնման ծրագրի աշխատանքների վերաբերյալ տեղեկատվություն: Նշվեց, որ «ԱՐԱԳԱԾՈՏՆ-1» արևային այլընտրանքային ֆոտովոլտային կայանը նպատակ ունի Արագածոտնի մարզպետի աշխատակազմին և մարզպետի աշխատակազմի ենթակայության 118 դպրոցներին, 7 բուժհաստատություններին ապահովել էներգախնայող էլեկտրաէներգիայով՝ արդյունքում հասնելով նշված 126 կազմակերպությունների ֆինանսական միջոցների էական տնտեսմանը, ինչպես նաև էներգետիկ անկախացմանը: 1050 ԿվՏ հզորությամբ «ԱՐԱԳԱԾՈՏՆ-1» կայանը նախատեսվում է կառուցել ընդհանուր

6000 քմ տարածքի վրա: Ծրագրի ընդհանուր արժեքը 468 մլն դրամ է: Ծրագրի հետզնումը նախատեսվում է 5-6 տարի (66 ամիս): Ծրագրի շարունակականության ապահովման միջոցով նախատեսվում է մոտ ապագայում ունենալ նաև ոռոգման համակարգի աշխատանքն ապահովող 26 պոմպակայանների և 2 խորքային հորերի, պետական շենք-շինությունների էլեկտրաէներգիայի ծախսի էական կրճատում, էներգետիկ անկախացում, էներգետիկ անվտանգության բարձրացում և պետական միջոցների տնտեսում:

2023 թվականի ապրիլի 3-ին Արագածոտնի մարզպետի աշխատակազմում ՀՀ վարչապետի անցկացրած խորհրդակցության ընթացքում մարզպետի կողմից ներկայացված «ԱՐԱԳԱԾՈՏՆ-1» արևային ֆոտովոլտային կայանի կառուցման ծրագրի գաղափարի և խորհրդակցության արձանագրության 3.3)3.7 կետի կատարումն ապահովելու նպատակով՝ մարզպետի հանձնարարականով ստեղծված աշխատանքային խումբն անկախ փորձագետների հետ միասին կատարել է ծրագրի հետ կապված աշխատանքը և ծրագրի ամբողջական փաթեթը 2024 թ. հունվարի 4-ի դրությամբ ուղարկվել է ՀՀ կառավարություն:

Հարցադրումներ եղան ծրագրի իրականացման ժամկետների, աշխատանքային խմբի, փորձագետների գործունեության և հնարավոր արդյունավետության վերաբերյալ: Կարևորվեց՝ ծրագրի իրականացման դեպքում առաջնահերթ ընդգրկել այն դպրոցները, որտեղ գազաֆիկացում չկա:

7. Համայնքների ենթակառուցվածքների զարգացմանն ուղղված 2022-2023թթ. սուբվենցիոն ծրագրերով իրականացվող աշխատանքների վերաբերյալ /զեկուցող՝ քաղաքաշինության, հողաշինության և ենթակառուցվածքների կառավարման վարչության պետ Հ. Ստեփանյան:/
/Զեկույցը կցվում է/:

Զեկուցվեց, որ 2022 թվականին հաստատվել են Արագածոտնի մարզի 8 համայնքների տնտեսական և սոցիալական ենթակառուցվածքների զարգացմանն ուղղված 19 սուբվենցիոն ծրագրեր՝ ճանապարհաշինական, լուսավորության ցանց, շինությունների վերանորոգում, խմելու ջրագծերի և ոռոգման համակարգերի արդիականացում, գազաֆիկացում՝ ընդհանուր 4 017 898 801 ՀՀ դրամ նախնական արժեքով: 2022 թվականի 19 սուբվենցիոն ծրագրերից ավարտվել են 16-ը: Սուբվենցիոն 2 ծրագրով աշխատանքները ընթացքի մեջ են, իսկ 1 ծրագրի աշխատանքները դադարեցված են, որը համայնքի խնդրանքով տեղափոխվել է 2024թ:

2023թ. ՀՀ Արագածոտնի մարզում կառավարության կողմից իրականացվող համայնքների տնտեսական և սոցիալական ենթակառուցվածքների զարգացմանն ուղղված սուբվենցիոն ծրագրերի շրջանակներում հայտերի գնահատման միջգերատեսչական հանձնաժողովի քննարկմանն է ներկայացվել 23 սուբվենցիոն ծրագրերի ամբողջական փաթեթ: Միջգերատեսչական հանձնաժողովի կողմից հավանության է արժանացել 21 ծրագիր՝ ընդհանուր՝ 7 430 350 338 դրամ արժեքով: 2023 թվականին 13 սուբվենցիոն ծրագրերի համար պետական բյուջեի միջոցներով ֆինանսավորման չափը կազմում է 1 515 121 100 դրամ:

Մարզպետի կողմից անդրադարձ եղավ Արտաշավանի նորակառուց մանկապարտեզի գույքի տրամադրման խնդիրներին: Մարզպետը առաջարկեց հետևողական լինել հարցի լուծման ուղղությամբ տարվող աշխատանքների նկատմամբ, առաջարկվեց նախօրոք գույքի ձեռքբերման և պահեստավորման աշխատանքները կազմակերպել նաև մյուս վերանորոգվող մանկապարտեզներում:

Աշտարակի համայնքապետ Թ. Շահվերդյանի հավաստիացմամբ Արտաշավանի մանկապարտեզի խնդիրը կլուծվի մոտակա օրերին, և մարտ-ապրիլ ամիսներին մանկապարտեզը կսկսի իր գործունեությունը:

Մարզպետի կողմից կարևորվեց նաև այն սուբվենցիոն ծրագրերի իրականացման ուղղությամբ տարվող աշխատանքները, որտեղ խնդիրներ կան փորձաքննության, հայտարարված մրցույթների, համաձայնագրերի կնքման մասով: **Մարզպետը հանձնարարեց**

մարզպետի տեղակալ Հ. Գույանին համակարգել այս ուղղությամբ տարվող աշխատանքները և խելամիտ լուծումներ գտել խնդիրներն արագ լուծելու համար:

8. Մարզում 2024թ. իրականացվելիք սուբվենցիոն ծրագրերի վերաբերյալ /գեկուցող՝ քաղաքաշինության, հողաշինության և ենթակառուցվածքների կառավարման վարչության պետ Հ. Սյրեփանյան/:

/Զեկույցը կցվում է/:

Զեկույցվեց, որ հաստատվել է մարզի 6 համայնքներից ներկայացված 33 սուբվենցիոն ծրագրային հայտ՝ 12 208 736 420 դրամ ընդհանուր նախնական արժեքով: Սուբվենցիայի հայտերի գնահատման միջգերատեսչական հանձնաժողովի քննարկմանը ներկայացնելու համար ՀՀ տարածքային կառավարման և ենթակառուցվածքների նախարարություն ներկայացվել է 6 սուբվենցիոն ամբողջական փաթեթ, իսկ երկու սուբվենցիոն ծրագրերի փաթեթ վերադարձվել է համայնք՝ լրամշակման:

Մարզպետ Ս. Մովսիսյանը հանձնարարեց սերտորեն աշխատել համայնքների հետ, մեթոդական աջակցություն ցուցաբերել, որպեսզի համայնքները կարողանան սահմանված ժամկետներում ներկայացնել սուբվենցիոն ծրագրերի փաթեթները՝ հաշվի առնելով իրենց ֆինանսական հնարավորությունները:

Շամիրամի համայնքապետի կողմից առաջարկ հնչեց Շամիրամում խորքային հորի անհրաժեշտության վերաբերյալ, որի կարգավորման ուղղությամբ մարզպետն առաջարկեց առանձին քննարկում կազմակերպել: Մարզպետի կողմից կարևորվեց հատկապես ազգային փոքրամասնությունների հիմնախնդիրների առաջնահերթությունը և տրամադրվող աջակցությունը:

9. Մարզի բնակավայրերի մուտքի և ելքի ցուցանակների վերաբերյալ /գեկուցող՝ քաղաքաշինության, հողաշինության և ենթակառուցվածքների կառավարման վարչության պետ Հ. Սյրեփանյան/:

/Զեկույցը կցվում է/:

Զեկույցվեց, որ ՀՀ Արագածոտնի մարզի մարզային (տեղական) նշանակության ավտոմոբիլային ճանապարհների վրա գտնվող բնակավայրերի ցուցանակների պատշաճ տեսքն ապահովելու նպատակով՝ կապալառու ընկերությունների կողմից 2023թ. սեպտեմբեր-դեկտեմբեր ամիսների ընթացքում իրականացվել են 18 բնակավայրերի ցուցանակների փոխարինում նոր ցուցանակներով, իսկ 32 ցուցանակ թարմացվել է և բերվել պատշաճ տեսքի: Համայնքների հետ համատեղ իրականացվում են բնակավայրերի միջպետական, հանրապետական և մարզային նշանակության ավտոճանապարհների բնակավայրերի ցուցանակների գույքագրման աշխատանքներ: Միջպետական, հանրապետական նշանակության ավտոճանապարհների մասով տեղեկատվությունը կտրամադրվի ՏԿԵ նախարարությանը, իսկ տեղական նշանակության ճանապարհների մասով ՀՀ մարզպետի աշխատակազմը կիրականացնի համապատասխան աշխատանքներ:

Մարզպետը հանձնարարեց մարզպետի տեղակալ Միլադա Հովհաննիսյանին, որպեսզի մինչև հաջորդ մարզի խորհրդի նիստը բոլոր ցուցանակները թարմացված լինեն, պատշաճ տեսք ունենան: Հանձնարարեց այդ աշխատանքները արագ կազմակերպելու մեխանիզմներ մշակել:

10. Մարզում 2023թ. գյուղատնտեսական մթերքների արտադրության վերաբերյալ /գեկուցող՝ Գյուղատնտեսության և շրջակա միջավայրի պահպանության վարչության պետ Յու. Ազատյան/:

/Զեկույցը կցվում է/:

Տեղեկատվություն ներկայացվեց ՀՀ Արագածոտնի մարզում 2023թ. գյուղատնտեսական մթերքների արտադրության վերաբերյալ /հացահատիկ և հատիկաընդեղեն, կարտոֆիլ, բանջարեղեն, պտուղ-հատապտուղ, խաղող, խոտ/: Նշվեց, որ ցանքային տարածությունը 2023 թ.-ին կազմել է 23296,8հա: Այս տարի առանց պետական ծրագրի իրականացվել է 4888 հա ցանք: ՀՀ Արագածոտնի մարզում 2023 թվականին ապահովագրական ընկերությունների կողմից կնքվել է 542 պայմանագիր՝ 996 հա ընդհանուր մակերեսով տարածքի համար: 2023 թվականին ապահովագրական պատահարների հետևանքով ապահովագրական ընկերությունների կողմից տրամադրվել է 324 ապահովագրական հատուցում՝ շուրջ 663 մլն ՀՀ դրամի չափով:

Մարզպետ Ս. Մովսիսյանը կարևորեց գյուղատնտեսության ոլորտում իրականացվող պետական ծրագրերը, հարցադրումներ կատարեց մարզում գյուղատնտեսության ոլորտում իրականացվող պետական աջակցության ծրագրերի 2023 թվականի արդյունքների վերաբերյալ: **Հանձնարարվեց** իրականացնել այցելություններ, դասընթացներ, խորհրդատվություն, մեթոդական աջակցություն, որպեսզի քաղաքացիներն իրազեկված լինեն բոլոր պետական ծրագրերի մասին: Հանձնարարվեց նաև հավաքագրել ու արձանագրել բոլոր այն խնդիրները, որոնք ունեն քաղաքացիներն այս ծրագրերին ընդգրկվելու ընթացքում:

Այլ հայտարարություններ և հարցեր չեղան: Ամփոփելով մարզի խորհրդի նիստը՝ մարզպետ Ս. Մովսիսյանը շնորհակալություն հայտնեց ներկաներին՝ հորդորելով շարունակել համատեղ արդյունավետ աշխատանքները:

ՀՀ Արագածոտնի մարզպետ՝



Սերգեյ Մովսիսյան